

Vizyon

Aret diviz Seselwa

Ivremman tris pou dir, me SPPF, sa parti politik ki dir i pe travay pour linite Seselwa, e ki son Lider Mr. Michel in swazir tenm 'Koste Seselwa' koman nou tenm nasyonnal pour sa lannen, i sa parti politik ki viv lo divizyon lepep Seselwa. Dan tou sa ki zot fer, keksoz pli enportan se diviz Seselwa avek bi pour zot reste o-pouvwar. Depi 1977, zot in viv lo divizyon nou pep e zot in anmenn Seselwa pou viv kont kanmarad. Sa in fer ki ozordi nou kontinyen annan en pep ki viv dan mefyans e mank konfyans dan son vwazen. Seselwa i reste divize, e sa i afekte nou progre.

Lespri lespyonnaz

Ziska ozordi Sesel i ranpli avek bann dimoun ki travay koman bann espyon pour leta. Sa bann dimoun i raport zot prosen kot bann lotorite. Akoz? Tre senp. Si en dimoun pa siport SPPF, i ganny raporte pour li ganny bloke. E pourtan Mr. Michel i deklare ki li i respekte Konstitisyon e i prezidan tou Seselwa. Si sa ti leka akoz ki State House i kontinyen annan en departman ki espyonn lo dimoun, e menm pey dimoun pou raport zot prosen? Eski sa i senser?

Bug telefont

Pou montre ki mannyer SPPF pa respekte dimoun, zot gouvrenman i kontinyen ekout telefont Seselwa. Zot pa ni swiv sa ki lalwa i demande, me zot plito pran lalwa dan zot lannen. Letan zot ekout telefont dimoun, zot al kont Konstitisyon ki donn tou dimoun 'the right to privacy.' Me SPPF pa enterese avek sa. Zot plito enterese enterfer dan lavi dimoun, diviz Seselwa, zis pourvi zot reste o-pouvwar. Sa i mal e fodre ki Seselwa i ouver zot lizye lo la.

Fann Rimer

En lot teknik ki SPPF i servi pou reste o-pou-

vwar se pou fann rimer. Zot bann zoural i ranpli avek sa. Zot ekri tou kalite mansonz kont SNP ek son bann dirizan zis pou fer dimoun perdi konfyans. Napa dimoun, dapre zot ki pa pe ganny pouse, oubyen ki'n kite dan SNP. E pourtan sa bann dimoun i ankor la pe travay e pe fer zot kontribisyon. Eski sa pa i montre nou ki vremman SPPF i en parti politik ki dezespere e ki fodre nou retir zot o-pouvwar?

Aret diviz lepep Seselwa


Si Mr. Michel ti vremman en dimoun senser e onnet, i ti devret realize ki se son parti politik, SPPF, alyas Lepep, ki pli gran koupab pou fer dekoste Seselwa. Si i ti met lord devan son laport, nou pa tya bezwen pe kriy lasasen pou

fer koste Seselwa. I tya normal pour Seselwa viv dan larmoni san oken mefyans pour son prosen. Seselwa ti ava viv anpe e nou tya kapab rezourd nou bann problemn. Malerezman Mr. Michel i kontan sa divizyon akoz se sa ki permet li reste o-pouvwar e fer dimoun viv dan lafreyer.

SNP pou ini tou Seselwa

SNP i en parti politik ki kwar dan linite lepep Seselwa. Avek sa linite i vin respe pour tou zabitan. Nou pou travay pou retir lafreyer ki ava permet tou dimoun viv lib e ere dan son pei. Seselwa, annou bouz devan. Rezet tou divizyon, zwenn SNP e rekonstri nou pei.

Pa bliy nou bann frer otaz



I pe al lo 5 mwan depi ki sa premye group Seselwa ti ganny atrape avek bann pirat Somalyen. Nou a rapel ki msye Michel ti promet ki i pou fer tou pour ki tou bann otaz i retourn Sesel sen e sof. Pli enportan i ti donn son langazman ki tou le 10 ti pou retourn ansann. Me ziska prezan i paret ki 3 nou frer in ganny oubliye. SNP pe demann lotorite pou akseler bann demars pou fer retouren nou 3 frer: Conrad Andre, Gilbert Victor e sa lot ki son lidantite pa ankor ganny devwale. SNP i repet son langazman pou ofer okenn sipor ki nou kapab donner. Antretan nou ofer nou sipor pour tou bann ki pe viv dan dezespwar, an atandan zot retour.

Nou'n ganny ase avek Krim

Lakantite nouvel konsernan krim ki pe ganny raporte dan pei tou deryenman pe fer lev bokou konsern parmi nou popilasyon. Bann tel lensidan i osi demontre en mank sekirite dan pei, ki kapab andomaz repitasyon Sesel koman en destinasyon touristik.

Logmantasyon dan lensidan krim ek vyolans i en rezilta direk sa move sitiasyon ekonomik ki gouvrenman in plonz Sesel ladan. Anmezir ki plis dimoun i perdi lanplwa, konsomasyon drog ek lalkol i ogmante e bann pti krim parey vol deswit i komans swiv.

Me sa ki fer lapenn se letan lapolis ki sipoze pe protez nou popilasyon, i osi ganny enplike dan bann lensidan serye e vilenn. SNP i demande ki apre plizyer lannen kot britalite lapolis in ganny tolere, lotorite konsernen i azir pour redonn publik konfyans dan sa lenstiasyon. Seselwa i fatigue avek krim.

SPPF i prefer Etranze

Pour en parti politik ki ti abitye kri 'Sesel pour Seselwa,' i fer onte manyer parti SPPF alyas Lelep i prefer etranze ki son prop nasyon. Apre 33an lendependans, tou pozisyon siperyer dan nou pei ti merit anba komann Seselwa. Me ozordi msye Michel pa kanmi pou mont lo televizyon e dir nou napa dimoun kalifye.

Viktimizasyon politik in touf motivasyon e 'security clearance' in kit zenn Seselwa avek potansyel deryer. Ozordi nou departman Zidisyer i ankor anba kontrol en etranze. Letan nou vwar en Franse ki vin pran lasarz PUC e aprann ki ankor 9 lezot pe vin pran kontrol total sa parastatal, nou dir Sesel in 'fail' anba SPPF.

Kriz dan Zidisyer

Afors aranze e aköz son lantetman pour anmenn en Sef Ziz etranze Sesel, finalman zafer pe pet anfler avek Jj dan departman zidisyer.

Lenformasyon ki pe sorti dan sa departman i les konpran ki en ziz in fini kit pei pour rezon sekirite. I pa kler si i pour retourn Sesel ankor. Tandis ki en lot pe seryezman negosye avek en lorganizasyon enternasyonal pour al travay a letranze.

Kot i konsern bann mazistra, 4 avoka avek ki zot ki ti pe negosye pour pran en nouvo pos isi in aret negosiasyon. 2 ki deza pe travay in deside arete e sa i fer ki byen-

pour annan en sel mazistra ki reste.

Antretan dan biro 'Attorney General' 2 prosekiter in fini met zot demision. 1 in pran son 'sabbatical leave,' 1 pe negosye avek en lakonpannyen offshore pour li al dan prive e en lot pe al pran son retret boner lannen prosenn.

Sa sitiasyon san dout i kritik e pou retard tou progre ki ladministrasyon zidisyer in fer dan sa detrwa dernyen mwan. SNP i demann gouvrenman pou rektifye sa satiasyon osito posib e fer ki nou pei i ganny en sistenm zidisyer ki konpetan, kredib e endependan.

Aret vann nou pei

Diplomasi ekonomik pa vedir vann nou pei an bonavini. Ozordi msye Michel pe fer krwar pep Seselwa ki Lopozisyon i kont lenvestisman etranze. Sa i fo! SNP i anfafer ki bann etranze i investir zot kapital isi, me nou kvar ki i bezwen annan bann kondisyon tre serye ki atase avek tou lenvestisman.

Nou bezwen asire ki nou pei e nou pep i benefisy e maksimom. Zot bezwen pey tou taks e lezot reveni ki gouvrenman i dwatet pe kolekte avek zot e ki zot pa benefisy e avek okenn konsesyon anplis ki zot devret.

Tou lenvestisman i merit garanti laplwa pour otan Seselwa avek en saler akseptab e bon kondisyon travay.

Fodre ki nou diversifye nou lenvestisman etranze. Zot pa kapab zot tou sorti dan en sel rezyon lemond, tel ki Mwayenn Orian.

Tou propriyete ki bann investiser i gannyen pour konstri lo la, i dwatet ganny peye son vre valer. Bann tel lensidan parey zil St Anne ki'n donnen pour R1 ouswa lotel Plantation Club kot lakour in pran e fer kado, pa merit ariv ankor zanmen.

Finalman i bezwen annan en partener Seselwa ki enplike dan tou lenvestisman olye ki i reste 100% pour etranze.

SNP koman en parti liberal i kvar dan lenvestisman. Me pa aköz nou bezwen investiser etranze ki nou bezwen vann nou nanm e pa protez nou pei ek son pep.

Lavi i tro ser dan Sesel

Seselwa pe soufer tro bokou dan son pei Sesel. Lavi i tro ser. Pri marsandiz i tro ser. Gouvrenman SPPF pa pe fer nanryen pou fer desann pri lavi. Aret vann Sesel e regard byennet Seselwa silvouple. Nou fatigue avek sa kalite lavi. SPPF, aret fer Seselwa pas martir!

PAS PARTOU

Sef pa politisyen

Finalman bann ansyen SPPF pe koze. Bannla pe dir zanmen Jj i kapab pas lo ros Ramkalawan. Bannla pe demande aköz li i pa pas devan laport dimoun nenport ler parey dirizan SNP? Fodre ki tou keksoz i ganny organize pour li. Depi po fler fodre son lantouraz i mete kot bann lakaz ki i pe al vizite! Bannla pe dir bougla i en 'fake.'

Rs25,000/distrik

Bann Golan pe lev founa partou kote. Sa Rs25 mil ki sak distrik in

gannyen pour pey bann ki pe al lo peron tou le wikenn pe ganny partaze antre zis en pti group. Bannla i tre mekontan. Zot pe ganny zoure e ganny morde avek lisyen pour naryen, tandis ki bann gro sef pe byen pase. Sanmenm sa lelep sa!

Respe pour 3enn az silvouple
Mannyer SPPF in perdi respe pour tou dimoun, ziska gran Dimans 6er diswar zot pe travers devan laport dimoun pour fer resansman. Pa bezwen dir ou, bann tantin in fer taye sa bann pti girl ki'n vin deranz zot ler zot pe fer zot saple. Eski zot nepli annan respe pour bann aze?

15 Out - Beau Vallon

SNP i envit tou dimoun pou vin selebre le 15 Out dan en

rasanbleman kot Garaz

Sullivan, Beau Vallon

a-parti 6er diswar.

Pou annan tou kalite zwe,
manze ek rafresisman.

Nwa zwenn laba!